

# Ini Sa Libelu Sa Medoo ISALEM

## Ini Denu Sa Libelu Sa Medoo Isalem

*Ini libelu sa medoo duyuy. Eg-usalen sa etaw Hudiyu siini medoo duyuy amuk egsimbà da owoy eg-loen da ma Nemula i. Pinetulengtuleng da ma sa mepion ketabang i Nemula egoh da egkepasangan. Si Datù Dabid sa duma da migbael sa medoo duyuy diyà siini libelu. Egoh i Dabid batàbatà pelawà, kagdi sa tegeipat kebilibili (basa ko diyà Isalem 23).*

*Diyà sa langun Kagi i Nemula, kansad 119 sa tigtu metaes owoy denu sa Kagi i Nemula sa medoo lemili di.*

### Ini Denu Sa Etaw Tigtu Meanggan

**1** <sup>1</sup>Meanggan sa etaw endà egpangunut diyà sa ketulù sa medaet etaw, owoy sa endà eg-iling sa egbaelan sa tegebael salà owoy sa endà eg-unut-unut diyà sa etaw tegepeumàumà si Nemula. <sup>2</sup>Dodoo egkeangan polo egpangunut diyà sa uledin i Datù Nemula, owoy egpenemdem di ma agdaw owoy sigep. <sup>3</sup>Kagdi lagà sa kayu egtunas diyà sa kilidan wayeg, owoy egbunga ma amuk meuma sa sasang kebunga di owoy endà ma lumegupay sa medoo daun di. Amuk hediya, tigtu mebaluy sa langun egbaelan di.

<sup>4</sup>Dodoo endà hediya sa mebaelan sa medoo etaw tegebael medaet, enù ka lagà da polo sa opoh egkelayap kelamag. <sup>5</sup>Huenan di, endà duen sa mepion ketamanan sa medoo tegebael salà amuk meuma sa agdaw kekukum i Nemula, owoy endà ma mekeamut da diyà sa medoo etaw épê metudà adat.

<sup>6</sup>Na, egtulikan i Nemula sa medoo metiengaw etaw, dodoo medaet sa ketamanan sa medoo tegebael salà.

### Ini Denu Sa Datù Hinemilì I Nemula

**2** <sup>1</sup>Maen di ya egpenemdem sa medoo balangan etaw umatu diyà si Nemula?

Egpenemdem sa medoo etaw sa pandapat da umatu, dodox endà ma duen sa ketebowon di. 2Nesetipon sa medoo datù da owoy sa medoo ulu-ulù da, owoy nesesebaen sa pedu da anì atuwan da Nemula i owoy sa datù hinemili di. 3Eg-ikagi da, guwaen di, "Meked ki egpesabà diyà kenagda. Bugtusen ta sa lagà sangkali igpolot da kenita enù ka meked ki egpeudipen diyà kenagda."

4Dodox eggemen daa Datù Nemula i egpenuu diyà sa metolol bangkù di dutu langit dò, owoy egpelononon di kagda. 5Agulé danà sa kebulit di, inindaw di kagda owoy linimedang di ma kagda danà di nelangget. 6Mig-ikagi, guwaen di, "Pinepenuu ku dé sa datù hinemili ku diyà sa getan Siyon,<sup>a</sup> sa mapulù getan ku."

7Mig-ikagi sa datù hinemili i Nemula, guwaen di, "Tulonen ku sa inikagi i Datù Nemula diyà kenak, guwaen di, 'Kuna sa anak ku, owoy igpetiig ku dé ini egoh di aken sa emà ko. 8Pegeni ko diyà kenak sa langun balangan etaw owoy ibegay ku diyà keniko lapeg sa sinukub langit. 9Pigtamayan ko sa medoo kuntelà ko lagà pesaen ko kagda sa balbal putow, owoy lupeten ko ma lagà sa kuden tanà.' "

10Huenan di, o medoo datù diyà tanà owoy medoo ulu-ulù, tulik yu owoy hahaa yu. Petow ki daa pigtamayan sa datù hinemili i Nemula kiyu.

11Pangunut yu diyà si Datù Nemula danà yu egkelimedangan diyà kenagdi, owoy adati yu ma danà yu egkeanggan. 12Petukéey yu diyà kenagdi, enù ka petow ki daa tumebow sa kebulit di keniyu owoy pigtamayan di ma kiyu. Dodox meanggan sa etaw mangay dumapag diyà kenagdi enù ka ipaten di.

#### Ini Denu Sa Dakel Egkegaga I Nemula

**8** 1O Datù Nemula, sa Nemula ké, tigtu mapulù sa ngadan ko diyà siini sinukub langit. Owoy nekeuma diyà dibaluy langit sa keolò da sa dakel egkegaga ko. 2Apiya sa medoo batà taman sa medoo egsusu pelawà, tinulù ko kagda anì oloen da ma sa dakel egkegaga ko. Huenan di, melugpì sa medoo kuntelà ko. Endà dé duen sa egkegaga da kumuntelà diyà keniko.

3Amuk eglengag a diyà langit, eghauwen ku sa langun binaelan ko danà sa dakel egkegaga ko, sa bulan owoy sa medoo bituen igttagù ko diyà sa kenà da. 4Huenan di,

<sup>a</sup> 2:6 Sa getan Siyon, iya sa getan diyà Hélusalém.

egpekeigsà a diyà sa munoy pedu ku ngadan sa pesuwan ko egpeketuleng kenami i etaw, owoy maen di ya eg-ipaten ko, enù ka etaw kék daa. 5Dodox pinedakel ko doo sa etaw enù ka buyu kék doo egpekete peng diyà sa medoo egsugusuguen ko diyà langit, owoy binegayan ko ma kami egkegaga owoy tigdeg lagà sa datù. 6Pineduen ko sa milantek penemdem kék eg-ipat sa langun binaelan ko, enù ka kami sa pineulu-ulü ko diyà sa langun pineduen ko, 7sa medoo kebilibili owoy sa medoo sapì owoy sa langun uled tanà diyà ketalanun, 8owoy sa medoo manuk eglayanglayang diyà awang, owoy sedà owoy sa langun eg-ipanaw diyà dagat.

9O Datù Nemula, sa Nemula kék, tigtu mapulù sa ngadan ko diyà siini sinukub langit.

**Si Nemula Sa Eg-ipat Sa Medoo  
Etaw Di**

**23** 1Si Datù Nemula sa eg-ipat kenak lagà sa tegeipat kebilibili, huanan di endà duen sa kulang diyà kenak. 2Egpeetuden sa tegeipat kebilibili sa medoo kebilibili di diyà sa keluwen meluenaw kenà da tumabtab owoy eg-uwiten di ma kagda diyà sa wayeg metiengaw. Hediya mendaan sa keipat i Nemula kenak. 3Egpebagelen di aken amuk egkelungoy a. Itulù di diyà kenak sa dalan mepion ukitan ku anì meadatan sa ngadan di.



*Si Nemula eg-ipat kenak lagà sa tegeipat kebilibili. (Isalem 23)*

4Apiya di pa mekeukit a diyà sa sugud deleman tolol kenà mematay, endà doo melimedangan a, o Datù Nemula, enù ka eg-unut-unut ka diyà kenak. Owoy eg-ipaten ko aken danà sa tuked ko owoy sa balbal ko, huenan di metanà doo sa pedu ku.

5Egtapayen ko sa kaenen ku diyà sa taengan sa medoo kuntelà ku. Eghududan ko lana sa ulu ku tandà sa keadat ko kenak, owoy egsuwék sa tabù ku tandà sa egoh di endà duen sa kulang ku. 6O Datù Nemula, netiigan ku umunut-unut sa keupion ko kenak owoy sa kehidu ko kenak taman sa egoh ku nehagtay, owoy mekeugpà a ma diyà sa dalesan ko taman melugay.

#### Ini Denu Sa Kesalig Ta Diyà Si Nemula

**27** 1Si Datù Nemula sa legdaw ku owoy sa tegealuk ku ma, huenan di endà duen sa egkelimedangan ku. Si Datù Nemula sa tigtu eg-ipat kenak, huenan di endà duen sa egpesuhan ku.

2Amuk pengayawen a sa medoo etaw tegebael medaet owoy imatayan da aken hedem, kagda polo sa mekedagsà owoy sa mematay. 3Apiya di pa seulingutan a sa medoo sundalu, endà doo melimedangan a. Owoy apiya di

pa gebeken da aken, tapay a doo sumalig diyà si Nemula.

4Sebaen daa sa egpegeniyen ku diyà si Datù Nemula sa egoh ku mekeugpà diyà sa dalesan di taman sa egoh ku nehagtay, anì takaan ku menemdem sa tigtu mepion adat di owoy sumimbà a ma diyà sa metolol dalesan di. 5Enù ka ipaten di aken amuk meuma sa sasang medaet. Ilidung di aken diyà sa dalesan di owoy lagà peugpaen di aken diyà sa mehagtaw getan anì endà meuma a sa medaet. 6Huenan di, petabanen di aken diyà sa medoo kuntelà ku nekeulingut diyà kenak. Agulé mekeunut sa kepetibos ku egkeanggan diyà sa kebegay ku sa medoo hinagtay eg-ulowen diyà sa Dalesan i Nemula. Duyuyen ku Datù Nemula i owoy oloen ku ma.

7O Datù Nemula, dinegdineg ka amuk eg-umowen ku kuna. Hiduwi ko aken owoy sagbì ka ma. 8Enù ka iya sa kagi ko, guwaen ko, "Pedapag yu owoy simbà yu diyà kenak." Huenan di, migsagbì a, guwaen ku, "O Datù Nemula, pedapag a doo diyà keniko." 9Yaka eglidungan kenak amuk egpengauwen ku kuna. Yaka egbulit kenak, owoy yaka ma eg-iniyugan kenak, aken i egsuguen ko, enù ka kuna sa atung egtabang diyà kenak. Yaka eg-eked kenak owoy yaka ma egpandayà kenak, enù ka kuna, o Nemula,

sa tegealuk kenak. 10Apiya di pa pandayaen a sa emà ku owoy sa inay ku, si Nemula doo sa umipat kenak.

11O Datù Nemula, tului ko diyà kenak sa mepion egbaelan ku owoy pehauwi ko diyà kenak sa dalan metudà, enù ka medoo sa kuntelà ku egpengaa sa kenà ku medaetan. 12Yaka egpandayà duu sa kebael da medaet diyà kenak, enù ka medoo sa butbuten egtipu kenak owoy egpelihayen da ma aken. 13Dodoo netigan ku doo, o Datù Nemula, kuna sa umaluk kenak anì hauwen ku sa dakel kehidu ko kenak egoh ku nehagtay pelà diyà tanà.

14Na, salig yu diyà si Datù Nemula. Pebagel yu sa pedu yu owoy yoko egkelimedangan na. Salig yu daa diyà si Datù Nemula.

#### Ini Sa Keolò Denu Sa Dakel Kehidu I Nemula

**34** 1Pesalamat a takà diyà si Datù Nemula, owoy endà ma sumabuh a umolò kenagdi. 2Si Datù Nemula daa sa pedakelen ku danà sa medoo mepion binaelan di. Na, o medoo etaw egkepelihay, dinegdineg yu owoy keanggan yu ma. 3Peunut yu diyà sa keolò ku si Datù Nemula owoy sesebaenay ki umolò sa mapulù ngadan di.

4Migsimbà a diyà si Datù Nemula owoy sinagbian di

aken, enù ka kinedanan di sa langun kekelimedang ku. 5Meanggan sa etaw petabang diyà si Nemula, owoy endà ma duen sa pesuhan da memala. 6Endà duen sa liyu etaw meketabang kenak, huanan di eg-umow a diyà si Datù Nemula. Hê, sinagbian di owoy inalukan di ma aken diyà sa langun kelikutan ku. 7Enù ka sa egsugùsuguen i Nemula sa egtulik sa medoo etaw épê kekelimedang diyà si Nemula, owoy alukan di ma kagda amuk duen sa kelikutan da.

8Tepengi yu anì hauwen yu amuk mepion Datù Nemula i. Tigtu meanggan sa etaw egsalig diyà kenagdi. 9Adati yu Nemula i, kiyu i medoo etaw di, enù ka endà duen kulang sa etaw eg-adat kenagdi. 10Apiya sa liyun, duen doo sa egoh da egkeimetan kaenen owoy egpeketues da ma. Dodoo sa etaw egsalig diyà si Nemula, endà dumuen sa kulang di diyà sa mepion hagtay di.

11O medoo loyuk ku batàbatà pelà, angay yu dinegdineg diyà kenak, enù ka itulù ku diyà kenyu sa ukit yu eg-adat diyà si Nemula. 12Amuk eg-ungayà yu sa mepion hagtay yu owoy sa lalù endà meelut di owoy sa kekeanggan yu, 13ini sa baeli yu. Tulik yu anì endà mekeikagi yu medaet owoy

yoko ma egbutbut ta. 14Ekedi  
yu sa medaet egbaelan. Dodoo  
baeli yu polo sa mepion, owoy  
udesi yu ma sa melanih  
keugpà yu.

15Tulikan i Datù Nemula sa  
etaw egbael mepion owoy  
dinegen di ma sa keigonoy da.  
16Dodoo egkuntelaen di sa  
medoo etaw tegebael medaet,  
huenan di melipengan dé sa  
medoo etaw diyà tanà kagda  
amuk mematay da.

17Amuk eg-ingonoy da  
diyà si Datù Nemula sa  
medoo etaw egbael mepion,  
dinegen di kagda owoy  
alukan di ma diyà sa langun  
kelikutan da. 18Medapag  
Nemula i diyà sa medoo etaw  
egkedaet pedu, owoy alukan  
di ma sa medoo etaw tigtu  
negulub kelikutan.

19Medoo sa kelikutan  
egkehaa sa metiengaw etaw,  
dodoo si Datù Nemula doo sa  
umaluk kenagda diyà sa langun  
kelikutan da. 20Enù ka tigtu  
eg-ipaten i Nemula, owoy endà  
duen sa sebaen tuelan da  
metepù.

21Sa egbaelan sa medoo  
tegebael medaet, iya mendaas sa  
mekepatay kenagda, owoy  
mepigtamayan ma sa etaw  
egkelepuh sa medoo metiengaw  
etaw. 22Dodoo alukan i Datù  
Nemula sa medoo etaw di,  
owoy endà pigtamayan di duu  
sa medoo etaw egsalig diyà  
kenagdi.

**Ini Sa Ketamanan Sa Etaw Egbael  
Mepion Owoy Sa Egbael Medaet**

**37** 1Na, yaka egkebukul  
la danà sa medoo  
etaw tegebael salà, owoy yaka  
ma egkesina ya diyà sa  
egkegaga sa etaw tegebael  
medaet, 2enù ka tumalà da daa  
lagà sa keluwen melongu, owoy  
mekedan da lagà sa bulok  
melones.

3Dodoo salig ka polo diyà si  
Datù Nemula owoy baeli ko ma  
sa mepion. Amuk hediya,  
kumepion sa keugpà ko diyà  
tanà owoy kumedyù ma sa  
medaet diyà keniko. 4Pengaa ko  
daa sa keangganan kenà i Datù  
Nemula metuuwan, agulé  
ibegay di diyà keniko sa ungayà  
sa pedu ko.

5Peépéi ko diyà si Datù  
Nemula sa langun egbaelan ko.  
Salig ka diyà kenagdi, enù ka  
kagdi sa tumabang keniko.  
6Amuk hediya, ipehaa di sa  
metiengaw adat ko diyà sa  
langun etaw, owoy mehaa sa  
metudà adat ko lagà sa letak  
agdaw amuk mekebugsang.

7Salig ka diyà si Datù  
Nemula, owoy petaes ko sa tali  
ko angat-angat sa ketabang di  
keniko. Yaka egkelakà ya amuk  
atung egkekawasà sa etaw  
tegebael medaet, owoy yaka  
egkebukul la diyà sa medoo  
pandapat da egbael medaet.

8Sabuhi ko sa kebulit ko,  
owoy yaka ma egkelangget ta.

Yaka egkebukul la enù ka mekepedaet iya wé. **9**Iya sa kagi ku enù ka mepigtamayan sa medoo etaw tegebael medaet, dodox umépê polo tanà sa etaw egsalig diyà si Datù Nemula.

**10**Endà melugay dimekedan sa medaet etaw. Apiya di pa pengauwen ko diyà sa kenà da, endà dé hauwen ko duu dahiya. **11**Dodox sa etaw egpetukééy, iya polo sa mekeépê tanà owoy tigtu kumelanih sa keugpà di.

**12**Na, sa medoo tegebael salà, pulung daa medaet sa egpenemdemén da diyà sa medoo egbael mepion, owoy egpelengengeten da sa ngipen da danà sa kekelepuh da. **13**Dodox eggemenan i Datù Nemula daa kagda, enù ka netiigan di medapag dé sa egoj da mepigtamayan.

**14**Hinugut sa medoo tegebael medaet sa sundang da owoy binébét da ma sa busug da anì imatayan da sa medoo pubeli owoy sa medoo etaw egkepelehay, lapeg sa medoo tegebael mepion. **15**Dodox iya mendaa sa mekepatay kenagda sa hagda doo munoy sundang owoy metepù ma sa busug da.

**16**Uman pa mepion sa egoj di tukééy daa sa langun taman ko danà sa metiengaw adat ko diyà sa egoj ko migkekawasà danà ko migbael medaet, **17**enù ka kedanan i Nemula sa egkegaga sa etaw tegebael

medaet, dodox pebagelen di polo sa etaw egbael mepion.

**18**Eg-ipaten i Datù Nemula takà sa etaw egpangunut diyà kenagdi, owoy mesakem da ma sa untung endà mekedan.

**19**Amuk tumebow sa medaet keugpà, endà mekesugsug da enù ka dumuen sa kaenen da amuk sasang bitil. **20**Dodox mekesugsug sa medoo tegebael medaet. Mekedan doo sa medoo kuntelà i Datù Nemula lagà bulok diyà ketalunan, enù ka melemu da daa mekedan lagà sa lugbuk.

**21**Amuk duen sa sinagbayan sa etaw tegebael medaet, endà dé ipelikù di duu diyà sa épê di. Dodox sa etaw egbael mepion, metawag polo egbegay.

**22**Mekeépê tanà sa etaw egtabangan i Datù Nemula, dodox mehemagawan polo sa etaw egkelepuhan di.

**23**Amuk metuuwan Datù Nemula i diyà sa egbaelan sa etaw, tuluan di sa ukitan di owoy tulikan di ma. **24**Apiya di pa egpekebigkil, endà doo mekedagsà di, enù ka si Nemula mendaa sa egtabang kenagdi.

**25**Ini egoj lukes a dé, dodox edung egoj ku batà pelà, endà duen sa etaw hinaa ku pinandayà i Nemula amuk egbael mepion, labi pa amuk takà egpegeni kaenen sa medoo anak di. **26**Dodox metawag da polo egbegay, owoy egpesagbay da ma diyà sa medoo duma da,

owoy metabangan i Nemula sa medoo anak da.

27Ekedi yu sa medaet, owoy baeli yu polo sa mepion anì mekeugpà yu diyà sa tanà tupù yu taman melugay, 28enù ka eghiduwan i Datù Nemula sa etaw épê metudà adat owoy endà pandayaen di duu sa medoo etaw di mepion pedu.

Tulikan di kagda taman melugay, dodox mekesugsug sa medoo tugod sa etaw tegebael medaet. 29Dodox sa medoo etaw egbael mepion, mekeépê da tanà owoy dahiya da mekeugpà taman melugay.

30Na, milantek sa keikagi sa etaw egbael mepion owoy anan tuu sa eg-ikagiyen da.

31Egseuwit-uwiten pedu da sa uledin i Nemula, huanan di endà tipayen da duu.

32Pelaeban sa etaw tegebael medaet sa etaw egbael mepion enù ka egkelukuyan di mimatay. 33Dodox endà pandayaen i Datù Nemula duu kagda diyà sa medoo tegebael medaet, owoy endà ma pandayaen di duu diyà sa kenà da eg-antang amuk tipuwen da.

34Salig ka diyà si Datù Nemula owoy pangunuti ko sa langun igsugù di. Tabangan di kuna anì umépê ka tanà owoy hauwen ko ma sa egoh da mekesugsug sa medoo tegebael salà.

35Duen sa etaw dupang-dupang hinaa ku épê negaga

nekeiling sa metolol kayu migtingdeg diyà sa mepion tanà.

36Dodox sebaen agdaw egoh ku egtelow, endà dé dahiya di. Apiya di pa egpengauwen ku, endà doo hinaa ku duu.

37Hahaa ko sa metiengaw etaw egbael mepion, enù ka kumedoo sa tugod sa etaw melanih pedu. 38Dodox mekedan polo sa medoo tegebael salà, owoy mepigtamayan ma sa medoo tugod da.

39Alukan i Datù Nemula sa medoo etaw egbael mepion owoy ipaten di ma kagda amuk meuma sa sasang kelikutan.

40Tabangan di kagda owoy ipegaun di kagda diyà sa egkegaga sa medoo tegebael medaet. Alukan di kagda enù ka eg-angay da eg-aput diyà kenagdi.

#### Meanggan Sa Etaw Egbael Mepion

## 112 1Meolò Datù Nemula i.

Meanggan sa etaw épê kekelimedang diyà si Nemula owoy sa egkeanggan egpangunut diyà sa medoo igsugù di. 2Mebaluy umépê megaga diyà tanà sa medoo anak da, enù ka metabangan i Nemula sa langun etaw egbael mepion. 3Kumawasà da, owoy metulengan sa medoo mepion binaelan da taman melugay.

**4**Mepion sa egbaelan da, mehidu da owoy metudà sa adat da, huanan di lagà da sa sulù eglegdaw diyà sa deleman.

**5**Meanggan sa etaw metawag egpesagbay owoy sa épê metudà adat diyà sa langun egbaelan di. **6**Amuk hediya, endà dé medaetan di owoy metulengan etaw sa mepion binaelan di taman melugay.

**7**Apiya di pa duen sa medaet egdinegen di, endà doo melimedangan di, enù ka mebagel sa pedu di egsalig diyà si Datù Nemula. **8**Endà mebenges di owoy endà ma melimedangan di, owoy mekeatu doo diyà sa medoo kuntilà di. **9**Metawag egbegay diyà sa etaw endà duen negaga, owoy metulengan etaw sa medoo mepion binaelan di taman melugay. Mebaluy umépê egkegaga owoy meadatan ma.

**10**Dodoo amuk hauwen sa medoo tegebael medaet sa egbaelan sa mepion etaw, mulit da owoy pelengetngen da sa ngipen da. Mekedan da doo, enù ka endà meketuu sa langun ungayà da.

#### Keolò Sa Kehidu I Nemula

## 113

**1**Meolò Datù Nemula i. O medoo etaw i Datù Nemula, olò yu sa mapulù ngadan di. **2**Meolò sa ngadan i Datù Nemula ini egoh di owoy

taman melugay. **3**Kedu tebowon agdaw taman salepan, meolò sa mapulù ngadan i Datù Nemula.

**4**Si Nemula daa sa Datù diyà sa langun balangan tanà diyà siini sinukub langit, owoy miglowon pa sa senang di diyà sa langun eghauwen diyà langit. **5**Endà duen meketepeng si Datù Nemula, sa Nemula ta eg-ugpà diyà sa tigtu mehagtaw kenà di, **6**huanan di egkudungan di daa sa langit owoy sa tanà.

**7**Upionen di sa medoo etaw, apiya sa medoo etaw pubeli eg-ugpà diyà sa kenà kepung, owoy tabangan di ma sa medoo endà duen negaga. **8**Peunuten di kagda diyà sa medoo datù eg-ipat sa medoo etaw di. **9**Owoy sa bayi endà eg-anak, egpeanaken di anì umépê keangganan.

Meolò Datù Nemula i.

#### Sebaen Daa Sa Tigtu Nemula

**115** **1**O Datù Nemula, endà mekedan sa kehidu ko taman melugay owoy kesaligan ka ma. Huanan di, kuna daa sa meolò, beken duu kami.

**2**Maen di ya eg-igsà sa medoo balangan etaw, guwaen da diyà kenami, “Kenà sa Nemula yu?” **3**Dutu langit dò sa Nemula ké owoy baelan di sumalà dé sa hagdi ungayà. **4**Dodoo pilak daa owoy bulawan binaelan inetaw sa hagda egpenemulawen. **5**Duen

sa ebà da, dodox endà egpekeikagi da. Duen ma sa mata da, dodox endà eg-ilag da. 6Duen sa telinga da, dodox endà egpekedineg da. Duen sa idung da, dodox endà eghadek da. 7Duen sa belad da, dodox endà egpekesabà da. Duen sa lisem da, dodox endà egpekebigkat da, owoy endà ma egpekeikagi da. 8Mepion hedem amuk mekesuet sa medoo etaw migbael inetaw diyà sa inetaw binaelan da, owoy hediya ma sa medoo egsalig dahiya.

9O medoo etaw tegeIslaél, salig yu diyà si Datù Nemula. Kagdi sa tumabang kenyu owoy sa lagà kelasag yu. 10O medoo tegesimbà i Nemula, salig yu diyà si Datù Nemula. Kagdi sa tumabang kenyu owoy sa lagà kelasag yu. 11Kiyu i langun etaw épê kekelimedang diyà si Nemula, salig yu diyà si Datù Nemula. Kagdi sa tumabang kenyu owoy sa lagà kelasag yu.

12Endà egkelipengan i Datù Nemula duu kita, huanan di tabangan di kita. Tabangan di sa medoo tegeIslaél owoy sa medoo tegesimbà di. 13Tabangan di sa langun etaw épê kekelimedang diyà kenagdi, iling ka dakel etaw ataw ka lagdà etaw.

14Mepion amuk meguwad yu owoy sa medoo tugod yu danà i Datù Nemula. 15Mepion amuk metabangan yu i Datù

Nemula sa migbael langit owoy tanà.

16Si Datù Nemula épê sa langit, dodox igbegay di siini tanà diyà sa medoo etaw. 17Beken sa medoo etaw nematay sa mekeolò si Datù Nemula, enù ka nekeangay da dé diyà bayà kenà da endà egséléken. 18Dodox kita i medoo nehagtay pelà sa mekeolò si Datù Nemula ini egoh di owoy taman melugay.

Meolò Datù Nemula i.

#### Eg-looen Sa Etaw Nealukan Nemula I

**116** 1Na, egpedakelan pedu ku Datù Nemula i, enù ka egdinegen di sa keumow ku owoy egsagbian di sa medoo igsimbà ku. 2Egsagipaen di aken, huanan di umumow a diyà kenagdi taman sa lugay ku nehagtay pelà.

3Lagà a ginapen sa katal mekepatay, owoy nekeuma diyà kenak sa egoh ku egkelimedangan sa kepatay ku. Tigtu a nebukul owoy nebogo a ma. 4Huanan di, mig-umow a diyà si Datù Nemula, guwaen ku, “O Datù Nemula, aluki ko aken.”

5Na, mehidu Datù Nemula i, sa Nemula ta, owoy metudà sa adat di owoy mipedu ma. 6Si Datù Nemula sa eg-ipat sa medoo lagdà etaw. Hê, egoh ku buyu egkematay, inalukan di aken.

**7**Mebaluy dema migtanà sa pedu ku, enù ka tigtu mepion sa binaelan i Datù Nemula diyà kenak. **8**Inalukan di aken diyà sa tolol kenà ku mematay. Hinunas di sa medoo luhà ku, owoy pinnediyù di ma aken diyà sa kenà ku medaetan. **9**Huenan di, umunut-unut a diyà si Datù Nemula egoh ku pelà nehagtay diyà tanà. **10**Danà sa kepigtuu ku diyà kenagdi, huenan di migsimbà a, guwaen ku, “O Datù Nemula, dakel sa kelikutan ku.” **11**Owoy egoh ku nebukul, mig-ikagi a, guwaen ku, “Anan butbuten siini medoo etaw.”

**12**Endà megaga ku duu mayadan diyà si Datù Nemula sa langun mepion binaelan di diyà kenak. **13**Ini sa baelan ku. Soyolen ku sa tabù épê wain tandà sa kealuk di owoy oloen ku sa mapulù ngadan i Datù Nemula danà sa kinealuk di kenak. **14**Ipetuu ku sa igpasad ku diyà si Datù Nemula diyà sa kenà sa medoo etaw di egkesetipon.

**15**Tigtu eghiduwan i Datù Nemula sa medoo etaw di, huenan di mesakit sa pedu di amuk duen sa mematay. **16**O Datù Nemula, egpangunut a doo diyà keniko lagà sa binaelan sa inay ku egoh anay, owoy

inalukan ko aken egoh ku buyu egkematay.

**17**O Datù Nemula, begayan ku kuna sa tandà kepesalamat ku,<sup>b</sup> owoy sumimbà a ma diyà keniko. **18**Ipetuu ku sa igpasad ku diyà si Datù Nemula diyà sa kenà sa medoo etaw di egkesetipon, **19**diyà sa duwangen sa Dalesan i Nemula dutu Hélusalém dò.

Meolò Datù Nemula i.

#### Denu Sa Uledin I Nemula

## 119

**1**Meanggan sa etaw épê metiengaw adat owoy sa egpangunut diyà sa uledin i Datù Nemula. **2**Meanggan sa etaw egpigtuu diyà sa igsugù di owoy sa legkang pedu di egpangunut diyà kenagdi. **3**Endà egbael da medaet, dodox eg-ukit da polo diyà sa dalan igtulù i Nemula. **4**O Datù Nemula, igbegay ko diyà kenami sa medoo uledin ko owoy igsugù ko diyà kenami sa tigtu tuu kepangunut. **5**Mepion hedem amuk takà a mekepangunut diyà sa medoo igsugù ko. **6**Amuk hediya, endà memalaan a amuk penemdemen ku sa langun igsugù ko. **7**Oloen ku kuna danà sa pedu ku migketiengaw enù ka eg-inauwan ku sa metudà

**b** **116:17** Duen sa uledin igsugkow i Mosis egoh anay denu sa kebegay sa etaw tandà sa kepesalamat da. Basa ko Lébitiko 7:12.

uledin ko. 8Pangunutan ku sa medoo igsugù ko, huanan di yaka egpandayà kenak.

#### **Sa Kepangunut Diyà Sa Igsugù I Nemula**

9Ngadan baelan sa batàbatà anì kumetiengaw sa adat di? Ini sa baelan di, pangunutan di sa kagi ko. 10Legkang diyà sa pedu ku sa kepangunut ku diyà keniko. Huanan di, yaka egpandayà kenak anì endà metipay ku duu sa medoo igsugù ko. 11Igtagù ku sa kagi ko diyà sa pedu ku anì endà mekesalà a diyà keniko. 12Eg-looen ku kuna, o Datù Nemula. Tului ko diyà kenak sa langun uledin ko. 13Sepelikùlikuan ku tumulon sa medoo uledin ighbegay ko. 14Egkeanggan a egpangunut diyà sa medoo igsugù ko enù ka uman a pa nekekuwa't sa mapulù langun taman. 15Eg-inauwan ku sa medoo igsugù ko, owoy egpenemdemén ku sa medoo igtulù ko. 16Egkeanggan a egpangunut diyà sa medoo uledin ko, owoy endà melipengan ku duu sa kagi ko.

#### **Meanggan Sa Etaw Egpangunut Diyà Sa Uledin I Nemula**

17O Nemula, baeli ko sa mepion diyà kenak, aken i egsuguen ko, anì melalù a owoy mepangunutan ku ma sa kagi ko. 18Pegimata ko aken anì

hauwen ku sa tigtu mepion igtulù diyà sa uledin ko. 19Beken siini tanà sa tigtu eg-ugpaan ku, huanan di yaka eglidung duu diyà kenak sa medoo igsugù ko. 20Iya sa tigtu ungayà ku metiigan ku sa medoo uledin ko agdaw owoy sigep. 21Eg-indawen ko sa medoo tegepeolòolò owoy pigtamayan ko, enù ka endà egpangunut da diyà sa medoo igsugù ko. 22Yaka egpandayà duu sa kepelonon da kenak owoy sa kepeumàumà da kenak danà ku egpangunut diyà sa uledin ko. 23Apiya di pa egsumbungen sa medoo ulu-ulu aken i egsuguen ko, penemdemén ku doo sa medoo igtulù ko. 24Egkeanggan a danà sa medoo igtulù ko, enù ka iya sa kenà ku neketiig sa mepion egbaelan.

#### **Keudes Egpangunut Diyà Sa Uledin I Nemula**

25Endà egpekegaga a enù ka buyu a dé egkematay, huanan di tabangi ko aken anì mehagtay a danà sa kagi ko. 26Egoh ku migtulon diyà keniko sa medoo egkebaelan ku, sinagbian ko sa kesimbà ku. Na, tului ko diyà kenak sa medoo uledin ko. 27Petiigi ko diyà kenak sa selepangan sa medoo uledin ko, agulé penemdemén ku sa medoo mekegaip binaelan ko. 28Migkelungoy a dé danà sa bukul ku, huanan di pebagel ko

aken danà sa kagi ko. 29Tabangi ko aken anì endà mekeakal a, owoy tului ko sa uledin ko diyà kenak danà sa mepion pedu ko. 30Hinemili ku sa kepangunut ku diyà sa medoo igsugù ko, owoy pinedakelan pedu ku sa medoo uledin ko. 31O Datù Nemula, egpangunutan ku sa medoo igsasà ko. Huenan di, peiwodi ko diyà kenak sa kenà ku memalaan. 32Egkeiyap a egpangunut diyà sa medoo igsugù ko, huenan di tabangi ko aken anì meumanan sa keketig ku.

#### **Sa Kesimbà Anì Metiigan Sa Uledin**

33O Datù Nemula, tului ko diyà kenak sa medoo uledin ko anì mepangunutan ku taman sa egoh ku nehagtay. 34Petiigi ko diyà kenak sa medoo uledin ko anì mepangunutan ku. Ipasad ku legkang diyà sa pedu ku sa kepangunut ku diyà sa uledin ko. 35Tului ko diyà kenak sa ukit kepangunut ku diyà sa medoo uledin ko, enù ka iya sa egkeanggan ku. 36Begayi ko diyà kenak sa ungayà ku mangunut diyà sa uledin ko, beken kekawasà daa sa ungayaen ku. 37Pegauni ko aken diyà sa medoo endà miulan egbaelan. Pelalù ko aken danà sa kagi ko. 38Aken sa egsuguen ko, huenan di petuuwi ko diyà kenak sa

igpasad ko diyà sa medoo etaw épê kekelimedang diyà keniko. 39Kedani ko diyà kenak sa medoomekemala egbaelan, enù ka tigtu mepion sa medoo uledin ko. 40Dakel sa ungayà ku mangunut diyà sa medoo igsugù ko. Pelalù ko aken danà sa adat ko metudà.

#### **Denu Sa Kesalig Sa Etaw Diyà Sa Uledin I Nemula**

41O Datù Nemula, pehauwi ko sa dakel kehidu ko diyà kenak owoy aluki ko aken enù ka iya sa igpasad ko. 42Amuk hediya, mekesagbi a diyà sa medoo egpeumàumà kenak, enù ka egsalig a diyà sa kagi ko. 43Begayi ko diyà kenak sa egkegaga ku egtulon sa kagi ko anan tuu, enù ka egsaligan ku sa medoo uledin ko. 44Pangunutan ku takà sa medoo uledin ko taman melugay. 45Kumepion sa hagtay ku enù ka endà meudipen a danà ku egpangunut diyà sa medoo igsugù ko. 46Endà memalaan a tumulon sa medoo igsugù ko diyà sa medoo datù, 47enù ka egkeanggan a egpangunut diyà sa medoo igsugù ko enù ka egkedakelan pedu ku sa uledin ko. 48Eg-adatan ku sa medoo uledin ko owoy egkedakelan pedu ku ma, owoy egpenemdemen ku sa medoo igsugù ko.

### **Saligi Ko Sa Uledin I Nemula**

49Yaka egkelipeng duu sa igpasad ko diyà kenak, aken i egsuguen ko, enù ka iya sa epaginawaen ku. 50Apiya di pa egkelikutan a, egkeanggan a doo enù ka duen sa lalù igpasad ko diyà kenak. 51Apiya di pa tigtu a egpeumàumaan sa medoo tegepeolòdolò, endà doo eg-ekedan ku duu sa uledin ko. 52O Datù Nemula, egketulengan ku doo sa medoo tapay uledin ko, enù ka iya sa egbegay kekeanggan diyà kenak. 53Tigtu a egbulit amuk eghauwen ku sa medoo tegebael medaet endà epangunut diyà sa uledin ko. 54Sumalà dé sa kenà ku eg-ugpà diyà siini tanà, takà a doo egduyuy danà sa medoo igsugù ko. 55Apiya sigep, egpenemdem ku doo kuna, o Datù Nemula, huanan di egkepangunutan ku sa uledin ko. 56Iya sa naken keanggan sa kepangunut ku diyà sa medoo igsugù ko.

### **Kedakelan Pedu Di Sa Uledin I Nemula**

57O Datù Nemula, kuna daa sa diyà pedu ku. Huanan di, ipasad ku sa kepangunut ku diyà sa medoo uledin ko. 58Legkang diyà sa pedu ku sa kepegeni ku diyà keniko, hiduwi ko aken enù ka iya sa igpasad ko. 59Egoh ku egpenemdem denu sa adat ku,

netuing sa pedu ku anì mangunut a diyà sa medoo uledin ko. 60Migpetéél a anì endà meéngén sa kepangunut ku diyà sa medoo igsugù ko. 61Apiya di pa legenen a sa medoo tegebael medaet, endà doo lipengen ku duu sa uledin ko. 62Amuk teliwadà sigep, umenaw a anì pesalamat a diyà keniko danà sa uledin ko metudà. 63Aken sa loyukem sa langun etaw épê kekelimedang diyà keniko owoy sa epangunut diyà sa uledin ko. 64O Datù Nemula, nekeseluh diyà siini uwang tanà sa dakel kehidu ko, huanan di tului ko diyà kenak sa medoo igsugù ko.

### **Sa Kiulan Sa Uledin I Nemula**

65O Datù Nemula, medoo sa mepion egbaelan ko diyà kenak, aken i egsuguen ko, enù ka neketuu sa igpasad ko. 66Begayi ko diyà kenak sa milantek penemdem owoy sa keketiig, enù ka egsalig a diyà sa medoo igsugù ko. 67Egoh ko endà pelà mig-indaw kenak, lagà a netelas. Dodoo ini egoh di epangunutan ku dé sa kagi ko. 68Anan mepion sa langun egbaelan ko owoy mipedu ka ma, huanan di tului ko diyà kenak sa medoo igsugù ko. 69Apiya di pa egtipuwen a sa medoo etaw tegepedakeldakel, mebagel doo sa pedu ku epangunut diyà sa medoo igsugù ko. 70Endà egpeketiig

siini medoo etaw tegepedakel-dakel, dodox aken, egkeanggan a polo danà sa uledin ko.  
**71**Mepion sa kineindaw ko kenak, enù ka danà iya wé, netiigan ku sa medoo igsugù ko.  
**72**Uman pa miulan diyà kenak sa uledin ko diyà sa kiulan sa medoo bulawan owoy pilak.

#### **Sa Ketuu Sa Uledin I Nemula**

**73**O Nemula sa migbael kenak owoy sa egtulik kenak, begayi ko aken sa keketiig anì mekepangunut a diyà sa medoo uledin ko. **74**Egkeanggan sa medoo etaw épê kekelimedang diyà keniko amuk eghauwen da aken, enù ka egsalig a diyà sa kagi ko. **75**O Datù Nemula, netiigan ku metudà sa keantang ko enù ka nekeenget sa keindaw ko kenak. **76**Begayi ko aken sa kekeanggan danà sa kehidu ko endà egkehali, enù ka iya sa igpasad ko diyà kenak, aken i igsuguen ko. **77**Pehauwi ko diyà kenak sa dakel kehidu ko anì kumelalù a, enù ka egkeanggan a danà sa uledin ko. **78**Mepion hedem amuk memalaan sa medoo tegepeolòlò danà sa ketipu da kenak. Dodox aken, penemdenen ku polo sa medoo uledin ko. **79**Pandayà ko amuk mangay diyà kenak sa medoo etaw épê kekelimedang diyà keniko owoy sa medoo neketiig sa igsugù ko. **80**Ungayà ku endà sumeké a mangunut diyà sa

medoo igsugù ko anì endà memalaan a.

#### **Kesimbà Denu Sa Kealuk**

**81**O Datù Nemula, egkepuleg a dé eg-angat-angat sa kealuk ko, dodox tapay a doo egsalig diyà sa kagi ko.  
**82**Egpetumàmaen ku eg-angat-angat sa kepetuu ko sa pasad ko. Eg-igsà a, “Nengan pa sa egoh ko tumabang kenak?”  
**83**Apiya di pa endà duen ulan ku i, enù ka lagà a daa sa tapay kunul hinagtay inawuhan wain, endà doo eglipengen ku duu sa medoo igsugù ko. **84**Ngadan taman di ya meelut sa keangat-angat ku? Nengan pa sa kepigtamay ko sa medoo etaw egpelihay kenak? **85**Sa medoo tegepeolòlò endà egpangunut diyà sa uledin ko, lagà da egbael kaseb kenà ku menabù.  
**86**Anan kesaligan sa langun igsugù ko. Aluki ko aken kedu diyà sa medoo etaw egtipu kenak. **87**Buyu dé eg-imatayan da aken, gasama iya tapay doo meeles sa kepangunut ku diyà sa medoo uledin ko. **88**Pelalù ko aken danà sa dakel kehidu ko anì mekeuman a pa mangunut diyà sa medoo uledin ko.

#### **Sa Kesalig Diyà Sa Uledin I Nemula**

**89**O Datù Nemula, endà mekedan sa kagi ko diyà langit taman melugay owoy endà ma mehalì di. **90**Endà ma mekedan

sa egoh ko egkesaligan taman melugay, owoy endà ma mehalì siini uwang tanà pineduen ko. 91Tapay doo duen sa medoo uledin ko taman ini egoh di, enù ka lagà igsugùsuguen ko sa langun taman eghauwen. 92Amuk beken daa uledin ko sa keduwan sa kekeanggan ku, mematay a doo danà sa medoo kelikutan ku. 93Endà lipengen ku duu sa medoo igsugù ko, enù ka ebgayyan ko aken lalù danà sa uledin ko. 94Aken sa etaw ko, huanan di aluki ko aken, enù ka iya sa ungayà ku mepangunutan ku sa medoo uledin ko. 95Apiya di pa egpelaeban a sa medoo etaw tegebael medaet, penemdemén ku doo sa medoo uledin ko. 96Netiigan ku endà negulub sa medoo eghauwen diyà tanà, dodox endà duen ketamanan sa igsugù ko.

#### **Pinedakel Di Diyà Sa Pedu Di Sa Uledin I Nemula**

97Na, tigtu egkedakelan pedu ku sa uledin ko, huanan di egpenemdemén ku elut agdaw. 98Miglowon sa kilantek ku diyà sa kilantek sa medoo kuntelà ku, enù ka endà egkelengà sa uledin ko diyà sa pedu ku. 99Miglowon pa sa naken keketiig diyà sa keketiig sa langun migtulù kenak, enù ka egpenemdemén ku sa medoo igtulù ko. 100Uman pa milantek sa naken netiigan diyà sa

netiigan sa medoo lukes, enù ka takà a egpangunut diyà sa medoo igsugù ko. 101Iniwod ku sa langun medaet egbaelan anì mepangunutan ku sa kagi ko. 102Endà ininiyungan ku duu sa medoo uledin ko, enù ka kuna sa migtulù kenak. 103Tigtu mepion diyà kenak sa medoo kagi ko, enù ka uman pa meemis diyà sa keemis sa teneb. 104Egkeumanan sa ketiigan ku danà sa medoo uledin ko, huanan di egkelepuhan ku sa medoo medaet egbaelan.

#### **Denu Sa Legdaw Kedu Diyà Sa Uledin I Nemula**

105Sa kagi ko, iya sa sulù diyà sa ukitan ku owoy sa legdaw diyà sa dalan ku. 106Ipetuu ku sa igpasad ku mangunut diyà sa medoo metudà uledin ko. 107O Datù Nemula, tigtu dakel sa kelikutan ku, huanan di pelalù ko aken enù ka iya sa igpasad ko. 108O Datù Nemula, dinèg ko sa kesimbà ku egpesalamat, owoy tului ko diyà kenak sa medoo uledin ko. 109Apiya di pa takà a buyu egkematay, endà doo lipengen ku duu sa uledin ko. 110Sa medoo etaw tegebael medaet, egbaelan da sa lagà litag kenà ku megapen, dodox endà egtipayen ku duu sa medoo igsugù ko. 111Piulanen ku sa medoo igsugù ko taman melugay, enù ka tigtu egkeangganan ku sa uledin ko.

**112**Huenan di, ungayà ku mepangunutan ku sa medoo uledin ko taman melugay.

**Mealukan Sa Etaw Danà Sa Uledin I Nemula**

**113**Egkelepuhan ku sa medoo etaw duwa-duwa egpangunut diyà keniko. Dodoo aken, egkedakelan pedu ku sa uledin ko. **114**Kuna sa tegesegumalang kenak owoy sa lagà kelasag ku, owoy iya daa sa egsaligan ku sa kagi ko. **115**Na, kiyu i medoo tegebael salà, pediyù yu diyà kenak anì mepangunutan ku sa medoo igsugù i Nemula, sa Nemula egpigtuuwen ku. **116**O Datù Nemula, pebagel ko aken anì kumelalù a, enù ka iya sa igpasad ko. Yaka egpandaya kenak diyà sa kenà ku memalaan danà ku egsalig diyà keniko. **117**Ipat ko aken anì endà duen sa medaet mebaelan diyà kenak. Amuk hediya, mepangunutan ku takà sa medoo igsugù ko. **118**Dodoo ininiyungan ko polo sa langun etaw egsekê diyà sa medoo uledin ko, enù ka neakalan da daa diyà sa hagda munoy penemdem. **119**Diyà sa kehaa ko, lagà lupuk daa sa langun etaw tegebael medaet. Huenan di, egkedakelan pedu ku sa medoo igsugù ko. **120**Eglukub a danà ku egkelimedangan keniko enù ka egpesu a sa kekukum ko.

**Denu Kepangunut Diyà Sa Uledin I Nemula**

**121**Binaelan ku sa metudà owoy sa nesugat diyà sa kehaa ko, huenan di yaka egpandaya kenak diyà sa medoo kuntelà ku. **122**Petuuwi ko sa ketabang ko kenak, aken i egsuguen ko. Yaka egpandaya kenak amuk peumàumaan a sa medoo tegepeolòlòlò. **123**Egpetumàmaen ku eg-angat-angat sa kepetuu ko sa igpasad ko umaluk kenak. **124**Sagipà ko aken i egsuguen ko danà sa dakel kehidu ko, owoy tului ko diyà kenak sa medoo igsugù ko. **125**Aken sa egsuguen ko, huenan di begayi ko aken sa milantek penemdem anì metiigan ku sa medoo igsugù ko. **126**O Datù Nemula, ini dé sa gai ko petuu sa ungayà ko, enù ka tinipay sa medoo etaw sa uledin ko. **127**Tigtu egkedakelan pedu ku sa medoo igsugù ko, enù ka uman pa sa kepedakel ku sa igsugù ko diyà sa kepedakel ku sa tigtu bulawan. **128**Huenan di, egpangunutan ku sa langun igsugù ko, dodox egkelepuhan ku sa langun medaet egbaelan.

**Ungayà Di Mangunut Diyà Sa Uledin I Nemula**

**129**Mekegaip sa medoo igtulù ko, huenan di tigtu a egkeiyap egpangunut. **130**Egkeilag pedu sa etaw danà da neketiig

selepangan sa kagi ko, labi pa sa etaw endà duen netiigan.  
**131**Tigtu dakel sa ungayà ku meketiig sa medoo igsugù ko.  
**132**Hahaa ko aken owoy hiduwi ko ma aken, éhê sa egbaelan ko diyà sa medoo etaw egpedakel pedu diyà keniko. **133**Sa kagi ko sa menulù kenak diyà sa ukitan ku anì endà metabanan a sa medaet. **134**Aluki ko aken diyà sa medoo etaw eggelihay kenak anì mepangunutan ku sa medoo igsugù ko. **135**Pehauwi ko sa kehidu ko diyà kenak, owoy tului ko diyà kenak sa medoo uledin ko. **136**Tigtu a egsinegaw enù ka endà egpangunutan sa medoo etaw duu sa uledin ko.

#### **Metudà Sa Uledin I Nemula**

**137**O Datù Nemula, metudà sa adat ko owoy nesugat sa keantang ko. **138**Anan tuu sa medoo igsugù ko owoy kesaligan ma. **139**Tigtu a nepenù bulitan, enù ka egpeulanen sa medoo kuntelà ku sa medoo uledin ko. **140**Kesaligan sa medoo igpasad ko, huenan di tigtu egpedakelen ku diyà sa pedu ku, aken i egsuguen ko. **141**Apiya di pa lagdà etaw a daa owoy egpelononon a ma, endà doo egkelipengan ku duu sa medoo igsugù ko. **142**Metudà sa adat ko taman melugay owoy anan tuu sa medoo uledin ko. **143**Apiya di pa tigtu a egkebogo owoy medoo sa kelikutan ku,

egkeanggan a doo danà sa medoo uledin ko. **144**Metudà sa medoo igsugù ko taman melugay. Huenan di, petiigi ko diyà kenak anì kumelalù a.

#### **Sa Kesimbà Anì Mealukan I Nemula**

**145**O Datù Nemula, legkang diyà sa pedu ku sa keumow ku keniko, huenan di sagbii ko aken, hih. Pangunutan ku sa medoo igsugù ko. **146**Eg-umow a diyà keniko, aluki ko aken anì mepangunutan ku sa medoo uledin ko. **147**Lapus a eg-enaw egoh sa agdaw endà pa egtelleséng, owoy egpegeni a sa ketabang ko enù ka egsalig a diyà sa kagi ko. **148**Endà egtudug a amuk sigep enù ka egpenemdemen ku sa medoo igpasad ko. **149**O Datù Nemula, dineg ko sa kepegeni ku danà sa kehidu ko. Sumpati ko sa lalù ku enù ka metudà sa ukit ko. **150**Egdapagen a sa medoo medaet etaw tegepelihay, dodox mediyù da diyà sa uledin ko. **151**Dodox medapag ka diyà kenak, o Datù Nemula, owoy anan tuu sa medoo uledin ko. **152**Edung egoh anay netiigan ku endà mekedan sa medoo uledin ko taman melugay.

#### **Sa Kesimbà Anì Tabangan I Nemula**

**153**Hahaa ko sa lihay ku owoy aluki ko aken, enù ka endà egkelipengan ku duu sa

medoo uledin ko. 154 Tampili ko sa ketuu egtigdegan ku owoy aluki ko aken anì melalù a, enù ka iya sa igpasad ko. 155 Endà dé mealukan sa medoo tegebael medaet, enù ka endà egpangunut da diyà sa medoo uledin ko. 156 Dodoo dakel sa kehidu ko, o Datù Nemula, huenan di begayi ko aken lalù enù ka metudà sa ukit ko. 157 Apiya di pa medoo sa kuntelà ku egpelihay kenak, endà doo sumekê a diyà sa medoo uledin ko. 158 Egkelepuhan ku sa medoo etaw lampawi, enù ka endà egpangunut da diyà sa medoo igsugù ko. 159 O Datù Nemula, netiigan ko sa ego di egkedakelan pedu ku sa igtulù ko. Huenan di, begayi ko aken lalù danà sa dakel kehidu ko. 160 Anan tuu sa langun kagi ko, owoy endà ma mekedan sa medoo metudà uledin ko taman melugay.

#### **Sa Kepangunut Diyà Sa Uledin I Nemula**

161 Apiya di pa endà duen sa pesuhan ku, egpeumàumaan a doo sa medoo ulu-ulu. Dodoo legkang diyà sa pedu ku sa keadat ku sa kagi ko. 162 Egkeangganan ku sa kagi ko, lagà sa kekeanggan sa etaw nekehua sa mapulù langun taman. 163 Egkelepuhan ku sa medoo butbuten, dodoo egkedakelan pedu ku sa uledin

ko. 164 Uman agdaw mesagkat sa kepesalamat ku diyà keniko danà sa uledin ko metudà. 165 Tigtu melanih sa keugpà sa etaw amuk egkedakelan pedu da sa uledin ko, owoy endà duen sa mekepedaet kenagda. 166 O Datù Nemula, eg-angat-angatan ku sa kealuk ko kenak, huenan di egpangunutan ku sa medoo uledin ko. 167 Tigtu egkedakelan pedu ku sa medoo igsugù ko, owoy egpangunutan ku ma. 168 Tuu ma doo, egpangunutan ku sa medoo igsugù ko, enù ka netiigan ko sa langun egbaelan ku.

#### **Sa Kesimbà Egpegeni Katabang**

169 O Datù Nemula, dineg ko sa keumow ku diyà keniko. Begayi ko aken sa milantek penemdem danà sa kagi ko. 170 Dinegdineg ko sa kesimbà ku, owoy aluki ko ma aken enù ka iya sa igpasad ko. 171 Takaan ku kuna eg-olò enù ka igtulù ko diyà kenak sa medoo uledin ko. 172 Owoy duyuyen ku sa kagi ko, enù ka anan metudà sa langun igsugù ko. 173 Tapay ko dé sa itabang ko kenak, enù ka nehemilì ku dé sa kepangunut ku diyà sa medoo igsugù ko. 174 O Datù Nemula, eg-angat-angatan ku sa kealuk ko kenak, owoy egkeangganan ku sa uledin ko. 175 Pelalù ko aken anì mekeolò a keniko owoy anì metabangan a ma



*Si Nemula sa mengaa sa etaw lagà sa kebilibili netelas. (Isalem 119:176)*

danà sa uledin ko. 176Aken sa  
egsuguen ko, dodox nekesekê a  
lagà sa kebilibili netelas,

huenan di pengaa ko aken, enù  
ka endà egkelipengan ku duu sa  
medoo uledin ko.